

## SARS E PAPETLA DIPALANGWANG TSE 26 TSE SENG MOLAONG NTWENG E KGAHLANO LE HO SE IKOBELE MOLAO

**Durban, 23 Pudungwana 2018** – Pejana kajeno, Ditshebeletso tsa Lekgetho tsa Afrika Borwa (SARS) di ile tsa senya palo e itseng ya dipalangwang jwalo ka karolo ya ho lwantshana le ho se ikobele molao ha makala a fapaneng a Bolaodi ba Meedi.

Sena se latela letsholo la matsatsi a mabedi la mafapha a mmuso mane Durban le dibakeng tsa boahisane le mabapi le ho lwantshana le kgwebisano e seng molaong.

Selemong se fetileng sa ditjhelete, diofisiri tsa Bolaodi ba Meedi tsa KZN di hapile dipalangwang tse 26 ka lebaka la ho tlola melao e fapaneng mme tsena di lokolletswe mmuso ka mora ho latela metjha e loketseng ya molao. Tsena di na le boleng ba kopanelo ba mmaraka bo ka bang R4 million.

Ho tiswa ka hara naha ha dipalangwang tse kileng tsa sebediswa pejana ho thibetswe mona Afrika Borwa. Pele dipalangwang di ka tiswa ka hara Afrika Borwa, tlelaente e lokela ho fumana phemiti ya thomellokahare ho tswa Khomesheneng ya Matjhaba ya Tsamaiso ya Kgwebisano le ho boela e fumana Lengolo la Bolaodi le tswang ho National Regulator of Compulsory Specification.

Pele ho mona, dipalangwang tsena tse hapilweng tse tswang kantle ho naha di ile tsa rekiswa fantising ya Bolaodi ba Meedi hore di romellwe kantle ho naha, empa dipalangwang tsena di ile tsa qetella di kgutletse hape hona mona Afrika Borwa. Sena se bile le tshusumetso hodima indasteri ya lapeng ya tlhahiso ya dipalangwang e nang le kabelo e ka bang 7,5% tlhahisong ya kakaretso ya naha. Indasteri ena ya bohlokwa e thefutswe hampe ke tlhodisano e leeme e tswang ke tshubuhlellano ya dipalangwang tse kileng tsa sebediswa pejana.

Dipalangwang tse 26 tse ileng tsa lokollelwa mmuso selemong sena sa ditjhelete mona KZN, tse nne tsa tsona di ile tsa papetlwa kajeno ha tse 15 di ile tsa papetlwa dibekeng tsa ho feta. Tse setseng di tla senngwa tlasa bohlokomedi ba Bolaodi ba Meedi dibekeng tse tlang.

Ona mkgwa ona o tla latelwa ho phatlalla le naha mme ho tla latela Gauteng mme ho tle Limpopo. Ha jwale ke dipalangwang tse 317 tse lokolletsweng mmuso naheng ka bophara selemong sena sa ditjhelete.

Letsholo la ho ntlafatsa ponahalo la matsatsi a mabedi (20 le 21 Pudungwana) tikolohong ya Durban le akareditse mafapha a mang a mmuso a kang SAPS, Immigration, Cross Border Road Traffic Agency le EThekweni Metro Police.

Sepheo se ka sehloohong sa letsholo lena ke ho lwantshana le ho se ikobele molao ho mabapi le thommelokahare/thomellontle ya dithoto, ho mokolwa ha tse seng molaong le poloko/tsamaiso ya dithoto tse kileng tsa sebediswa pejana.

Sena se akareditse dithibelotseleng dibakeng tse ka bakang kotsi e kgolo, diphenyo tsa dikhontaina, morwalo, dipolokelo tse bontong, dipatrola, dibaka tsa hlahlobo ya dipalangwang, ditekolo dihekeng le ho phenywa ha dikepe.

Ho fihela jwale, tse ding tsa dikatleho tsa letsholo lena di akareditse:

- Ho hapuwa ha dipalangwang tse 260 tse kileng tsa sebediswa pejana tse tswang kantle ho naha hore di tle di fuputswe ho netefatsa bonnete ba ho fihlisa ha tsona ka hara naha. Tsona di ile tsa fumanwa ka nako ya ditekolo dipolokelong tse pedi tsa bonto tsa Bolaodi ba Meedi ka la 20 Pudungwana. Dikoloi tsena di dumelletse ho ba dipolokelong tsa bonto nako ya dilemo tse pedi ntle le ho lefa dikgafa. Le ha ho le jwalo, nako eo e ile ya fihla pheletsong mme seo se bolela hore di tlotse molao o mabapi le maemo a dilaesense tsa tsona.
- Ho tshwarwa ha diaparolo le masela ao ho belaelwang hore ke a mokokotelo a boleng bo ka bang R6 million mane Boemafofaneng ba Matjhaba ba King Shaka (KSIA) ka la 20 le 21 Pudungwana. Dithoto tsena di ile tsa sibollwa ka nako ya diphenyo tse sa rerwang karolong ya morwalo mane KSIA.
- Ho sibollotse matekwane a boima ba 30kg nakong eo ho neng ho emiswa koloi thibelotseleng mane Tongaat ka la 21 Pudungwana. Matekwane ana, a ne a pakilwe ka hara mekotlana buting ya koloi, a ile a kgona ho fofonelwa ka katleho ke dintja tsa bofokisi tsa Bolaodi ba Meedi. Boleng ba ona ke tjhelete e ka bang R2 million.

- Tekolong ya heke mane boemakepeng ba Durban ka la 20 Pukungwana ho lebisitse ho sibollweng ha maleiri ao ho belaelwang hore ke a mokokotelo a neng a pakilwe ka hara khonteina ya 40ft. Kajeno a ntse a pakollwa hore ho tle ho fumanwe hore ke a makgonthe kapa tjhe.

Ka tshebedisano e matla le mafapha a mang a mmuso, Bolaodi ba Meedi bo tla tswela pele ho nametsa matsholo ana ho phatlalla le naha ho lwantshana le kgwebisano e seng molaong mmoho le lethathama la boleng la Bolaodi ba Meedi ka sepheo sa ho sireletsa ikonomi le setjhaba.

Ho boha ditshwantsho, [tobetsa mona](#).